



Na osnovu člana 2.9 stav (1) tačka 9. i člana 5.29 i 5.29a Izbornog zakona Bosne i Hercegovine («Službeni glasnik BiH», br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22 i 67/22), Centralna izborna komisija Bosne i Hercegovine je na 69. sjednici održanoj 22.10.2022. godine donijela

ODLUKU
o utvrđivanju i objavljivanju rezultata Općih izbora
u Bosni i Hercegovini 2022. godine

Član 1.

(1) Centralna izborna komisija Bosne i Hercegovine utvrđuje i objavljuje rezultate Općih izbora u Bosni i Hercegovini 2022. godine za:

- a) Predsjedništvo Bosne i Hercegovine,
- b) Predstavnički dom Parlamentarne skupštine Bosne i Hercegovine,
- c) Predstavnički dom Parlamenta Federacije Bosne i Hercegovine,
- d) Narodnu skupštinu Republike Srpske i
- e) Skupštine kantona u Federaciji Bosne i Hercegovine.

(2) Za predsjednika i potpredsjednike Republike Srpske rezultati će biti utvrđeni dopunskom odlukom Centralne izborne komisije Bosne i Hercegovine po sticanju neophodnih uslova za utvrđivanje izbornih rezultata za navedeni nivo vlasti (nivo 600).

Član 2.

(1) Sastavni dio ove Odluke, je detaljan tabelarni prikaz rezultata glasanja za svaki izborni nivo iz člana 1. stav (1) ove Odluke, po osnovnim izbornim jedinicama, biračkim mjestima, političkim subjektima i kandidatima.

(2) Odredbe iz člana 10.1. stav (3) i člana 11.1. stav (2) Izbornog zakona Bosne i Hercegovine, o najmanjoj zastupljenosti konstitutivnih naroda u Predstavničkom domu Parlamenta FBiH i Narodnoj skupštini RS bit će implementirane prije donošenja Odluke o potvrđivanju rezultata izbora iz člana 1. ove Odluke, s tačnim navođenjem imena kandidata i izjašnjenjem o pripadnosti konstitutivnom narodu iz člana 4.19. Izbornog zakona Bosne i Hercegovine.

Član 3.

(1) Nakon utvrđivanja i objavljivanja izbornih rezultata, Centralnoj izbornoj komisiji Bosne i Hercegovine može se podnijeti zahtjev za ponovno brojanje glasačkih listića u roku od tri dana od dana utvrđivanja i objavljivanja izbornih rezultata iz člana 1. i 2. ove Odluke, na način, u formi i pod uslovima kako je propisano odredbama člana 5.30 Izbornog zakona Bosne i Hercegovine.

(2) Prigovor na objavljene rezultate izbora podnosi se u roku od dva dana od dana utvrđivanja i objavljivanja izbornih rezultata.

(3) Zahtjev za ponovno brojanje glasačkih listića, kao i prigovor na objavljene rezultate se dostavljaju isključivo putem faks aparata, na broj: 033/ 251-329, elektronskom poštom na e-mail adresu zzov@izbori.ba ili neposredno u sjedište Centralne izborne komisije Bosne i Hercegovine, ulica Danijela Ozme 7, Sarajevo.

Član 4.

Ova Odluka stupa na snagu danom donošenja i objavit će se 22.10.2022. godine do 23,00 sati, na internet stranici Centralne izborne komisije Bosne i Hercegovine www.izbori.ba, i smatrat će se da je danom objavljivanja ista dostavljena svim učesnicima u izbornom procesu. Shodno pozitivnim zakonskim propisima, dan 23.10.2022. godine (nedjelja) je radni dan u Centralnoj izbornoj komisiji Bosne i Hercegovine i isti se računa u rokove za podnošenje zahtjeva za ponovno brojanje glasačkih listića, prigovora i žalbi. Predmetni podnesci se mogu neposredno predati u pisarnici Centralne izborne komisije Bosne i Hercegovine u navedeni dan u vremenu od 08,00 sati do 16,00 sati.

Pravna pouka: Protiv ove Odluke, u skladu sa članom 6.9 stav (1) i (2) Izbornog zakona Bosne i Hercegovine, može se podnijeti žalba Apelacionom odjelu Suda Bosne i Hercegovine u roku od dva dana od dana objavljivanja ove odluke. Žalba se podnosi putem Centralne izborne komisije Bosne i Hercegovine i dostavlja se isključivo putem faks aparata, na broj: 033/ 251-329, elektronskom poštom na e-mail adresu zzov@izbori.ba ili neposredno u sjedište Centralne izborne komisije Bosne i Hercegovine, ulica Danijela Ozme 7 Sarajevo.

Broj: 05-1-07-1-2317-1/22
Sarajevo, 22.10.2022. godine

